

外科證治全書

外科證治全書卷五目錄

外科

通用法

鍼法

砭法

灸法

熨法

拔毒法

繃縛法

洗滌法

備用法

神燈照法

騎竹馬灸法

麻油截法

洪丞相

法 棋 鍼

桑枝火烘法

牛膠蒸法

通用方

仙方活命飲

敗毒湯

人蔘敗毒散

荆防敗毒散

陽和湯

陽和丸

防風通聖散

四物消風飲

龍膽泄肝湯

導赤湯 一十

散消飲

托邪飲

潤腸煎

小柴胡湯

逍遙散

加味逍遙散

二陳湯

加味二陳湯

獨蔞湯

四君子湯 二十

六君子湯

香砂六君子湯

四物湯

加減四物湯

八珍湯

十全大補湯

四物養榮湯

保元湯

加味保元湯

補中益氣湯

歸脾湯 三十一

加味歸脾湯

當歸補血湯

當歸黃耆湯

大防風湯

和表八珍湯

歸芍地黃湯

千金內托散

代刀散

玉真散 四十

護心散

槐花藥

六味地黃丸

加減六味丸

八味地黃丸

加減八味丸

醒消丸

犀黃丸

三黃丸

五通丸 五十

紫元丹

小金丹

洞天救苦丹

保安萬靈丹

大棗丸

子龍丸

抑陽散

抑陰散

沖和散

烏龍膏 六十

齧頭膏

附方一

消管錠

平安餅

卷之八

海浮散

鍼頭散

推車散

五美散

螵蛸散

二味拔毒散

金銀散

七十

金霜散

五寶散

山蓮散

象皮散

六和散

洞天膏

陽和解凝膏

七十七

備用方

紫金錠

蠟礬丸

千金化毒丸

呂祖一枝梅

瓊酥散

整骨麻藥

敷麻藥

沖和湯

完瘡散

外科證治全書卷五

環峯許克昌倫聲

同輯

木末畢

法蒼霖

通用法

鍼法

外科用鍼因癰疽膿成不得外洩毒氣壅遏瘡腫肌膚內潰故用鍼決之俾膿洩氣通而愈經云鉞鍼末如鋒銳以取大膿此之謂也用鍼之際雖云量其患之淺深尤當隨其肉之厚薄如皮薄鍼深則反傷好肉轉增其潰肉厚鍼淺則毒膿不出反益其痛用鍼可不慎哉大抵用鍼以斜

外科諸法全書 卷五  
鋒偏鋒爲善其法從刃刺入以防透膜欲大開口則將鍼斜出欲小開口則將鍼直出所謂順而導之也然用鍼自有其時果其膿熟不能自潰則用之若未成膿不必用鍼在膏梁怯弱之人及肚臍骨節近筋之處自有代刀散敲頭膏等藥備用不必用鍼也

### 砭法

凡赤遊丹毒疔瘡紅絲走散或時毒癩血壅實等證皆宜行砭法然不可太深內經所云刺皮無傷肉也法用細瓷器打碎取有鋒芒者一塊以筋一根劈開頭尖夾之用綫縛定兩手指輕撮筋尾令瓷鋒正對患處約懸寸許再用

重筋一根頻擊筋頭令毒血遇刺卽出毒氣自退若毒氣入腹膨脹者難治

### 灸法

經云榮衛稽留於經脈之中則血瘀不行不行則衛不通故熱大熱不止則肉腐爲膿蓋癰疽瘡毒總由氣血壅積不行可知故通壅積暘榮衛而灸法誠外科之要訣也竊有疑者諸疽白塌木腫本屬陰寒得灸之力回陽溫腠實爲盡善若一切陽毒紅腫焮痛概用灸法雖云宣壅散結恐火攻反致逼毒入裏大痛大腫神昏痰涌吁吁作喘奈何旣不敢以人試藥又不忍黏混相傳故特辨明此條以



待高明校定閱諸灸法有用隔蒜灸者用蟻蟻灸者用附子餅豆豉餅木香餅香附餅灸者其法不一總以通壅積

鳴榮衛而已至於灸壯之大小則量瘡勢定也

隔蒜灸法 案陰疽流注及麻木痺寒溼痺痛等證以此灸之亦瘡生下部偏僻之處或可用

大蒜頭去皮切片約至三箇錢厚安患頂上用艾壯於

蒜上灸之三壯即換蒜片再灸每日灸二三十壯愈多

愈妙如瘡勢大以蒜搗爛鋪於瘡上將艾鋪蒜上灸之

蒜敗再換

附子餅 案潰疽血氣虛寒不能收斂以此灸之

炮附子去皮臍研末以津唾和為餅約三箇錢厚置患

口上以艾壯灸之每日灸數壯但令知熱勿令痛如餅乾再易餅灸之以患口紅活爲度

豆豉餅

案頑瘡惡癬以此灸之

江西淡豆豉爲末量患大小唾津和作餅或黃酒和亦可約三箇錢厚置瘡上艾壯灸之餅乾再易如有瘡孔勿覆孔上在孔旁四布豉餅然艾灸之令微熱勿令肉破日灸三度令瘡孔出汗瘥

木香餅

案撲損閃胸血瘀氣滯以此灸之

以木香五錢爲末生地黃一兩杵膏和勻量患處大小作餅置腫上以艾灸之

香附餅

案瘰癧痰毒或風寒襲於經絡結腫以此灸之

生香附為末生薑自然汁和量患大小作餅覆患處以

艾灸之

蟻螬灸法

案疔瘰惡瘡諸藥不效者以此灸之

取蟻螬翦去兩頭安瘡口上以艾灸之七壯一易不過七枚無不效者

凡艾灸火瘡不收口用瓦松陰乾為末先以槐枝葱白煎湯洗過然後以末搽之即收

熨法

凡流注痰核鶴膝肢體腫塊或風寒襲於經絡筋攣骨痛

及跌撲損傷用之止痛散血誠良法也或先用隔蒜灸法  
餘腫未消最宜用熨助血氣行壅滯用大蒜白細切杵爛  
炒熱敷患處熨之腫痛即止

一法用大蒜一握束作數節切為餅置患處以熱物熨之  
或鋪艾灸之必易餅多灸多熨為妙

### 拔毒法

草麻拔法

此惟紅腫非常不得已而用之  
若胎前產後及患自色者禁用

用草麻子仁搗爛如泥鋪絹上照患處大小取絹蓋上  
貼患處用布紮好痛止即去之

黃蠟拔法

案潰瘡日久臭爛色黑翻花起肛  
及不痛頑瘡潰爛用之拔毒最妙

用黃蠟爲屑先以溼麪隨腫根作圈高寸許實貼皮上如井口形圈外圍布數重防火氣烘膚於是鋪蠟屑三四分厚於圈內次以銅漏杓盛桑木炭火懸蠟上烘之令蠟化透又添蠟屑隨化隨添以井滿爲度去火杓噴冷水少許於蠟上俟冷取起蠟底青黑色卽毒出之徵也

### 繃縛法

凡陰疽潰後敷貼藥外用絹帛四五層安蓋上面再用絲布八寸見方兩塊四角用軟絲紗細帶紅之以一塊繃實患處將帶縛所餘一塊預備洗滌上藥時更換不但無外

邪乘襲且使皮膜連屬融融然氣血流暢易生肌肉也

### 洗滌法

凡癰疽潰後膿水腥臭不洗滌之則毒遏延膚或穢積生蛆氣血不能融舒安望其生新肌膚故洗滌亦爲要事其洗也或用解毒散或用集芳散或用蛇椒神效散洗藥不一惟在臨證措宜重者一日一洗輕者間日一洗每次用

淘米第二次泔水

糯米者尤妙

六七椀投藥於內入鍋煎至湯

醱瀝去渣以新絲蘸湯淋洗患處湯冷再易并輕手捺患處令宿膿隨湯而出以淨爲度洗訖用軟絲紙搥乾隨敷貼以應用之藥蓋洗之以藥湯者以洗之疏暢榮衛一舉

夕和言... 卷五  
五  
兩得也煎之以米泔水者以泔之逐穢生新惠而不費也  
人之氣血得香則行得臭則逆故洗藥中又當以集芳散  
為最

解毒散

洗一切潰久惡腐甚者  
先用此藥後用集芳散

白礬

四兩

雄黃

一兩

貫仲

二兩

研細末和滾水待溫洗之

集芳散

洗一切潰  
爛癰疽

官白芷

川芎

藿香

木香

防風

各三錢

甘草

三錢五分

葱

一大把

蛇椒神效散

洗風陰  
溼諸瘡

備用法

神燈照法

凡癰疽輕證初起七日前後神燈照法最宜能使未成者消已成者潰竇有奇驗其法用雄黃硃砂真血竭沒藥各一錢麝香二分共研細末每用三分絲紙捲裹爲撚約長尺許以真麻油潤透點照離瘡半寸許自紅暈外圈週圍徐徐照之以漸照入瘡口上所謂自外而內也更須將撚猛向外提以引毒氣使藥氣從火頭上出內透瘡中則毒隨氣散自不內侵臟腑初用三條漸加至五七條瘡熱漸消可漸減之照罷隨用後敷藥如大膿已出則不必敷藥



夕月言...  
只用膏藥貼之

敷藥方

用車前草豨薟草金銀花五爪龍草各等分鮮者搗爛  
加陳米粉兩許飛鹽二三分共打爲稠黏敷瘡上中留  
一頂以膏蓋貼避風如冬月無鮮草預採陰乾爲末醋  
調敷亦妙倘五爪龍草一時難得卽單用四味亦能奏  
功不必一定拘執也

騎竹馬灸法

其法令病人以手肘凭几而坐男左女右將手臂豎起要  
直用竹篾一條自臂腕中曲處橫紋間量起貼肉上至中

指尖盡處截斷爲則不量指甲另用竹竿一條令病人脫衣正身騎定前後用兩人扛起令病者腳不著地仍使人扶定勿令僵僵卻將前量臂篋從竹扛上尾骶骨坐處直照脊背量至篋盡處記之此取中之處非灸穴也又用薄篋量男左女右手中指節兩橫紋處截爲同身寸法將此寸篋卽安前脊中點記處兩邊各開一寸盡處卽是灸穴各灸五七壯疽發左則灸右疽發右則灸左兩邊俱甚則左右皆灸此穴乃心脈所過之處凡癰疽皆心火雷滯灸此則心脈流通而毒自散矣有起死回生之功屢效

### 麻瘋截法

凡癰疽一切惡瘡預防毒氣內攻真麻油一斤銀器內熬  
十數沸候冷用酒兩碗入麻油五盞通口熱服一日用盡  
緩則數日服之吳世安云吾家三世用之無有不效又聞  
獵者云凡中藥毒急飲麻油藥毒即消屢效

案此方凡大便祕結而毒畜於內者最宜用之以疏通  
其毒如陰疽及大便不實者卻非所宜

洪丞相螞蟻法

凡癰瘍初作勢愀毒盛血凝不散者宜用此法以殺其勢  
取大螞蟻一條入筆管內以管口對瘡頭使螞蟻飲惡血其  
毒自散如瘡大須換三四條若吮正穴螞蟻必死矣屢試屢

效若血不止以藕節上泥塗之卽止若瘡頭未明以井邊泥塗上先乾處卽是

### 桑枝火烘法

凡陰疽發背流注附骨等證俱宜用之取桑木枝長九寸劈如指粗一頭然著少頃吹息其焰以火向患處烘片時火盡再換每次烘三四枝每日烘二三次未潰則解寒凝止疼痛消瘀腫已潰則補陽氣散餘毒生肌肉如陰證痛甚或重如負石初起用此法出毒水卽內消其日久用之雖潰亦淺且無苦楚

### 牛膠蒸法

凡癰疽發背痔漏惡瘡癩瘡久頑不斂等證用牛皮膠一塊水熬稀稠攤厚紙上每剪一塊貼瘡口次用醞醋煮藥布二塊乘熱罨膠紙上蒸之稍溫再易蒸至瘡痒膿出用貫仲二兩煎湯熱洗去膠紙外用膏藥貼之次日再照前蒸洗直至膿盡瘡乾爲度

通用方

以下內治方

仙方活命飲

一

治一切陽毒未成膿者內消已成膿者即潰此止痛消毒之聖藥也

穿山甲

蛤粉炒

白芷

陳皮

當歸

製沒藥

防風

金銀花

皂刺

天花粉

甘草節

貝母 去心

赤芍

右酒一盞煎數沸溫服

敗毒湯

二

治癰瘍癩赤熱痛煩熱作渴

連翹

赤芍

銀花

當歸

黃芩

天花粉

各二錢

甘草節

一錢

右酒水各半煎去渣溫服小兒減半凡紅癰初起及膿作未潰熱毒壅盛者以此方煎送醒消丸三錢立愈

人蔘敗毒散

三

治四時傷寒瘟疫增寒壯熱風溼風眩頭強身痛等證

人蔘

雲苓

甘草

枳殼

麸炒

桔梗

柴胡

前胡

羌活

獨活

川芎

薄荷

各等分

右研粗末每用一兩生薑三片水煎服暖臥取汗

荆防敗毒散

四

發散瘡疹及時氣風毒邪熱

本方即人蔘敗毒散去人蔘加荆防

陽和湯 五

熟地黃

一兩

鹿角膠

三錢

白芥子

二錢

肉桂

一錢

甘草

一錢

薑炭

五分

麻黃

五分

右酒水各半煎去渣入鹿角膠溶化和服

陽和丸 六

即前方內肉桂薑炭麻黃三味照分爲丸

防風通聖散 七

七

治三陽表裏實熱

熟軍

芒硝

歸身

白芍

荆芥

麻黃

桔梗

滑石

加倍二錢

小斗登台入三錢  
治三陽表裏實熱



石膏

梔子仁

黃芩

連翹

薄荷

川芎

白朮

甘草

防風 各一錢

右加葱三根薑三片水煎去渣熱服

案方內滑石石膏體重力輕宜倍用

四物消風飲 八

治血虛風熱皮膚遊風癩疹癢痒等證及勞傷肩風身熱口燥

生地黃

四錢

歸身

赤芍

各二錢

荆芥

薄荷

蟬蛻

各一錢五分

柴胡

黃芩

各一錢二分

生甘草

一錢

川芎

右水煎服

龍膽泄肝湯 九

治肝經溼熱小便赤澀或囊癰下疳便毒楊梅凡肝經有餘之證宜服之

龍膽草

歸尾

防風

知母

木通

丹皮

甘草 各二錢

連翹

黃芩

金銀花

天花粉

赤芍

各一錢五分

右水煎去渣溫服或對陳酒一杯服

導赤湯

十 治心火及小腸熱 證小便赤澀作渴

木通

生地黃

甘草梢

各等分

竹葉

二十片

右水煎服一方加人薏麥冬

散消飲

十一

消癰散表

羌活

荆芥

淡豆豉

當歸

防風 各二錢 川芎

製乳香 製沒藥

柴胡 各一錢五分

枳殼

甘草 各一錢 薄荷葉 五分

右水煎去渣熱服覆臥取汗如兼燥渴加生石膏三五

錢

托耶飲 十二

西黨蔘 去稍生用五錢 歸身 三四錢

白芷 一錢五分 防風 一錢

荆芥穗

桔梗 各二錢 橘皮 二錢

甘草

川芎 各一錢

右水煎去渣對陳酒一杯溫服取微汗如頭痛項強加

羌活

潤腸煎 十三

治大腸乾燥或津液枯竭或風熱氣阻宜用此方通潤之

枳殼 二錢 氣虛減半

油當歸 二錢 益弱倍用

杏仁泥 二錢 槐角 二錢

橘皮 二錢

火麻仁 五七分

右水煎頓服

小柴胡湯 十四

治邪在肝膽半表半裏寒熱往來喜嘔或日晡發熱脇痛耳聾鬱怒等證

人參

柴胡

黃芩

炙甘草

半夏

生薑

大棗

右水煎絞去渣再入火滾數沸溫服

逍遙散 十五

治肝脾血虛鬱怒傷肝脇痛等證

柴胡

歸身

白芍 酒炒

白朮 土炒各一錢

甘草五分  
薄荷葉五片

右水煎

加味逍遙散 十六  
治肝脾血虛  
發熱等證

即前方加丹皮梔子仁各一錢

二陳湯 十七  
治痰飲嘔惡風寒咳嗽中  
脘不快脾胃不和等證

陳橘皮 陳半夏各二錢 茯苓一錢五分 甘草八分

右水煎

加味二陳湯 十八  
治流注癥核皮裏膜外  
之凝痰宜兼陽和丸用

即前方橘皮易薄橘紅五錢加白芥子二錢

獨蒹湯 十九  
治氣虛氣脫及反胃嘔吐喘促  
粥湯入胃即吐凡諸虛垂危者

人蔘二兩 如無人蔘則以真阿膠黨蔘蜜炙代之

右水一升煮取四合乘熱頓服日再進之兼以蔘煮粥食之更妙一方加大棗十枚

四君子湯

二十

治脾胃虛弱飲食少思或大便不實面黃體瘦等證

人蔘二錢

白朮二錢

炙草一錢

茯苓三錢

右加薑棗水煎或加粳米百粒

六君子湯

二十

治脾胃虛弱飲食難化胸膈痞悶嘔吐吞酸等證

即前方加陳皮半夏各一錢五分

香砂六君子湯

二十

治過服涼藥以致食少作嘔或中氣虛滯惡心脹滿等證

即六君子湯加藿香砂仁各八分

四物湯

二十

治血虛營弱一切  
血病當以此為王

歸身

三錢  
酒洗

白芍

二錢  
酒炒

川芎

一錢

地黃

三錢

涼血用生地  
補血用熟地

右水煎

加減四物湯

二十

治血虛伏熱

即前方加山梔柴胡丹皮

八珍湯

二十

治氣血兩虛  
調和陰陽

即前四君四物合劑

十全大補湯

二十

治氣血俱虛肢體倦困遺精  
驚悸嘔熱作渴真元損敗證

即八珍湯加肉桂一錢黃耆酒炒二錢

四物養榮湯

二十

即四物湯加人蔘一錢肉桂五分甘草炒白芷各一錢

保元湯二十

人蔘 黃耆 甘草

右水煎案本方補氣黃耆炙用托毒黃耆生用

加味保元湯二十

即前方生用加肉桂

補中益氣湯 三十 治勞倦傷脾中氣不足清陽不升體倦食少氣虛不能攝血等證

人蔘 一錢 黃耆 三錢 白朮 炒 歸身

橘皮 各一錢 甘草 一錢 升麻 柴胡 各八分

右加薑一片棗三枚水煎去渣溫服如病外證未痊者尤宜生用

小科登白全書四卷五通用方



歸脾湯 三十

治思慮傷脾不能攝血致血妄行或怔忡驚悸盜汗嗜臥少食憂鬱不舒等證

人蔘

白朮 土炒 歸身

黃耆 蜜炙

棗仁 各二錢 炒

木香

甘草 各五分 炙

遠志 一錢 多汗躁熱酌用

龍眼肉 七枚

右水煎食遠服

加味歸脾湯 三十

治脾經血虛發熱等證

即前方加柴胡山梔各一錢

當歸補血湯 三十

治氣血損傷肌熱口渴目赤面紅脈大而虛重案無脈者宜用

黃耆 一兩 炙

歸身 三錢

右水一鍾煎八分食遠服

當歸黃耆湯

三十

治營衛損傷自汗發瘧及大疽潰後膿血過多等證

即前方當歸黃耆各一兩加糯米一合煎

大防風湯

三十

治足三陰虧損寒邪內侵鶴膝附骨下部等疽不論已潰未潰俱宜又治癩後脚膝軟痛

人蔘

白朮

防風

羌活

各二錢

當歸

三錢

熟地

三錢

黃耆

三錢

杜仲

三錢

川芎

一錢五分

肉桂

甘草

各五分

淮牛膝

附子

各一錢

白芍

一錢

右酒水各半煎

和表八珍湯

三十

治表虛自汗營衛不和飲食無味等證亦能托毒生肌

小科登台全書

卷五

通用方

三

當歸身

黃耆生

續斷各三錢

白朮

白芍各二錢

甘草

白芷各一錢

川芎五分

右薑一片棗二枚水煎溫服

歸芍地黃湯三十

治肝腎真陰不足不能滋養營衛  
眼花耳鳴口燥舌乾津液枯竭

熟地三五錢或加  
至一二兩

懷山藥三錢

山萸肉二錢

牡丹皮一錢  
五分

澤瀉

茯苓各一錢

歸身二三錢

白芍二錢

右水煎食遠服

千金內托散三十

治癰毒內虛毒不起化或腐  
潰不能收斂及惡寒發熱

人蔘

黃耆生

防風

厚朴

當歸

官白芷

川芎

桔梗

白芍

甘草

右酒水各半煎服陰疽酌用一方有金銀花

代刀散

三十丸

治癰疽膿熟不潰

蘇黃耆生

皂刺各一兩

製乳香

生甘草

各五錢

右研細末和勻每服三錢熱陳酒和服立潰

附經驗方

用黃葵子研一粒酒服則出一頭二粒出二頭

玉真散

四

治跌撲金刃破傷風重者牙關緊急腰背反張竝蛇犬所傷

天南星

湯泡七次如急用以溼紙裏煨

防風各等分

右研細末每服二錢溫酒調服若牙關緊急腰背反張

者每服三錢童便調服雖瘀血亦愈

護心散

四十

治瘡毒內攻口乾煩躁惡心嘔吐服此護心解毒

綠豆粉

一兩

製乳香

五錢

辰砂

一錢五分

淨末飛過

右研末和以生甘草煎濃湯每調下三錢時時呷嚥使藥常在膈間凡大癰發在三日後宜連進十餘服使毒氣出外可免變證即四五日後宜閒服解毒止痛護

心

槐花藥

四十

治楊梅下疳痔疾神方

新槐藥

揀淨生用

右一味每食前用清酒吞下三錢許早午晚每日三服

楊梅下疳初感或毒盛經久難愈者及痔瘡腸風下血等證服至二三升則熱毒盡去可免終身之患亦無寒涼敗脾之慮如不能飲酒即用滾水或鹽湯送下

六味地黃丸

四十

治腎水虧損小便淋漓頭目眩暈腰腿痠軟陰虛發熱自汗盜汗憔悴瘦弱精神疲倦失音失血水泛為痰病為腫脹等證此壯水制火之劑也

熟地黃

八兩

山茱萸

山藥

各四兩

丹皮

三兩

澤瀉

三兩

白雲苓

三兩

右為細末和地黃膏加密九桐子大每服七八十九食前滾白湯或淡鹽湯送下 此方用煎湯即名六味地黃湯下八味丸同

加減六味丸 四十

治腎虛夢遺 關元不開

六味地黃丸方內去澤瀉茯苓加蓮鬚龍骨綫膠各一

兩

八味地黃丸 四十

治命門火衰不能生土以致脾胃虛寒飲食少思或下元冷憊等證

六味地黃丸方內加肉桂製附子各一兩

加減八味丸 四十

治腎水不足虛火上炎發熱作渴口舌生瘡寢汗憔悴等證

六味地黃丸加肉桂一兩五味子四兩炒用澤瀉切片

蒸五次倍用

醒消丸 四十

治一切癰毒壅腫血凝氣滯紅熱疼痛其效如神

製乳香 一兩

製沒藥 一兩

雄精 五錢

麝香 三分

右研和取黃米飯一兩搗爛入藥末再搗為丸蘿藦子  
大曬乾忌烘每服三錢熱陳酒送下醉益取汗待酒醒  
則癰消痛止矣

犀黃丸

四十八

治乳巖瘰癧痰核橫疔  
流注肺癰腸癰等證

於醒消丸內去雄精加犀黃三分如前法為丸每服三  
錢熱陳酒送下患生上部臨臥服下部空心服

三黃丸

四十

治紅腫熱毒癰痛大癰  
楊梅瘡瘡結毒懸癰等證

製乳香

一兩

製沒藥

一兩

雄精

五錢

麝香

一錢五分

熟大黃

二兩

犀黃

三分

右以熟軍酒浸透入椀隔湯蒸俟軍軟熟搗爛然後以



乳沒雄犀麝五分和再搗干搥爲丸如桐子大每服五錢或三錢

五通九

五

凡大癰生於要緊八道將  
在發威之際服此甚效

廣木香

五靈脂

麻黃

乳香

去油

沒藥

各等分  
去油

右各爲末和勻用飯搗爲丸如桐子大每服五錢

紫元丹

五十一

治一切陰疽陰發背失榮乳巖惡核石疽  
貼骨流注龜背痰核等證凡初起皮色不  
異或微痛或不痛堅硬  
漫腫俱可用此消之

當歸

獨活

紅花

羌活

秦艽

穿山甲

焙

川斷

殭蠶

生

牛膝

延胡索

川鬱金

香附

蒼朮

杜仲

川烏

薑汁製

草烏

薑汁製

麻黃

去根節炒

製乳香

製沒藥

全蝎

各一兩

骨碎

補四兩去毛炒

蜈蚣

十條炙

蟾酥

五錢酒化拌藥

共為細末

番木鱉

一觔半

麻黃綠豆煎水浸透去皮心入麻油內煎老黃色取起拌土炒篩去油另為末

右將製過木鱉末同前藥末各半對和水法跌為丸每

服八分身弱者五六分臨臥熱陳酒送下出汗避風如

雷風發麻薑湯熱酒可解服法每閒一兩日再服腫凡紅

毒及孕婦忌此

小金丹

五十

治一切陰疽流注痰核瘰癧乳巖橫痃等證

小半錢

通用方

二

番木鱉

水浸半月

煮數沸再

浸熱湯中

數日刮去

皮心用香

油煎百餘

沸後出即

入少透細

土粉內拌

至土粉油

透篩去土

另換再拌

如此三次

油淨以木

盤用細土

再炒入盆

中拌卷一

夜去土用

外和諸法全書卷五

五

白膠香

草烏

五靈脂

番木鱉

另有製法

地龍

各一兩五錢末

乳香

去油

沒藥

去油

歸身

各七錢五分末

麝香

三錢

墨炭

一錢二分

即陳年鏡子墨畧燒存性研細

右各末秤足共歸一處和勻用糯米一兩二錢研粉爲厚糊和入諸末搗干搥爲丸如芡實大此一料約爲二百五十九曬乾固藏臨用取一九布包放平石上隔布敲細入杯內取好酒幾匙浸藥用小杯合蓋約浸一二時以銀物加研熱陳酒沖服醉益取汗凡流注等證初起服消乃止如成膿將潰潰久者當以十九作五日早晚服杜其流走庶不增出但方內五靈脂與人參相反

不可與有淺之藥同日服孕婦忌此

洞天救苦丹

五十

治癰疽潰爛不堪毒氣深固

蜂房

取露天有子者

雄鼠矢

尖者

青皮

棟樹子

取立冬後者

右用瓦炙存性各為細末等分配準研和每服三錢陳

酒送服隔兩日一服

保安萬靈丹

五十

治風寒溼痺溼痰流注附骨陰疽及左癱右瘓口眼歪斜半身不遂血氣凝滯偏身走痛破傷風牙關緊急截解風寒無不應效

茅山蒼朮

八兩

雄精

五錢

麻黃

羌活

荊芥穗

防風

細辛

川烏

湯泡去皮

草烏

泡去皮

川芎

石斛

全蝎

何首烏

當歸

甘草

天麻 各一兩

右共為細末煉蜜丸重三錢硃砂為衣瓷器收貯視年  
 老壯病勢緩急斟酌用之如風寒溼痺溼痰流注及瘡  
 疽初起狀若傷寒頭痛惡寒肢體拘急四時感冒傳變  
 疫證增寒發熱俱宜用之用葱白九莖煎湯調服一丸  
 蓋被出汗為效如汗遲以葱湯催之其汗必淋淋而出  
 令其自收不可露風若病無表邪不必發汗但用熱酒  
 化服多飲無妨服後避風忌冷物戒房事孕婦忌服

大棗丸

五十

凡潰爛不堪之證將見內膜者先用洞天  
救苦丹等藥托盡毒氣以此丸補益收功

山羊矢

不拘多少取曬乾  
入鍋炒存性磨粉

大棗

去皮核

甘遂 每斤用甘草四兩煎湯浸三日清水再淘浸數日去心瀝乾麩裏煨熟取曬炒研用  
 大戟 去旁枝水 煮透去骨 切曬

右藥先將棗搗爛如泥然後入羊矢末搗至成丸如梧

子大每服三四錢仍用黑棗煨湯送服日二次

子龍丸 五十 六

甘遂 大戟 各案法精製為末 白芥子 炒為末

右末各等分煉蜜丸綠豆大每服三分淡薑湯送下日

三次忌與甘草之藥同日服

以下外治方

抑陽散 五十 一名洪寶丹治癰毒紅腫焮熱疼痛

天花粉 三兩 薑黃 香白芷 赤芍 各一兩

右生研細末雞子清調敷或醋調搽

通利方

附集驗方

治一切陽癰

赤小豆

天花粉 等分

右為末米醋調敷

抑陰散

五十

治陰疽漫腫不紅堅鞭木痛或不痛及筋牽骨痛一切陰寒凝滯冷證

草烏 二兩

南星

獨活

去節

香白芷

狼毒

各一兩

右為細末葱汁調塗

沖和散

五十

一名陰陽散治陽中有陰之證初起不甚大腫微紅微疼發熱積日不消

紫荆皮

五兩

獨活

去節

香白芷

石菖蒲

赤芍

各二兩

右為細末葱汁調敷

烏龍膏

六十

治一切癰疽瘰癧無名腫毒初發焮熱未潰者神效

陳小粉

不拘多少以鍋炒之初炒如錫炒久則成黃黑色冷定放地上出火毒研末

右用陳米醋調成糊熬如黑漆以瓷罐收貯用時量毒

大小攤紙上剪孔貼之即如冰冷其痛即止少頃再痒

不可揭動久則腫自消藥亦脫落此方果驗易而有功

案小粉能和血絡米醋能消癰滯癰破血和故癰疽初起可消而愈然溯癰疽所由發一因熱壅一因寒凝不兼治其寒熱之病源而徒仗破癰和血未為盡善不若遇陽癰等證以此膏調抑陽散敷用遇陰疽等證以此膏調抑陰散敷之則源流俱清其效更速特表於此

蛟頭膏

六十

治癰癧膿熟不潰



製乳香

製沒藥

杏仁

木髓粉生

葶麻仁

銅綠等分

右為細末另以巴豆不去油加倍同藥末搗成膏再加  
白砒一分搗勻臨用取綠豆大一粒放患頂上用膏藥  
掩之潰即揭下洗淨用膏貼胎前產後忌之

附肘後方 六十二歲頭

雄麻雀矢

名曰丁香頭  
尖挺直者是

右研細以米醋調每用小豆大一粒乘溼安患頂上即  
潰一方加膽礬

海浮散

六十

凡陽毒潰後宜以此敷搽極能止  
痛有毒提膿毒盡生肌妙品也

乳香

沒藥 等分

右研極細乾糝患上以膏藥蓋之

平安餅

六十 端治惡肉毒根

烏梅肉

一錢

輕粉

五分

右研和不見粉亮為度如鞭用津少許不可用水研至成膏照患口大小作薄餅幾箇貼毒根上用膏藥蓋之日易一次俟毒根不痛落下方止

消管錠

六十

治瘡口久不合肉有膿管用此化之

阜刺尖

炙末

真蟾酥

一錢

淨末

榆麩

一錢

柘樹膜

炙淨各五錢末

紅腹金錢龜

炙淨末二錢

右研極細固藏每遇漏管先以豬鬃探其淺深後以絲  
紙捲藥為條塞入日易日塞至愈乃止

鍼頭散

六十

治一切頑瘡內有膿  
管癩肉以此化之

赤石脂

五錢

輕粉

麝香

各五分

乳香

三錢

白丁香

三錢

生砒

黃丹

各一錢

蜈蚣

大者一條炙乾

右為末搽癩肉上其肉自化若瘡口久不合內有膿管  
者須用此腐之以糯粉黏和作細條陰乾絰入管內以  
膏藥蓋之內服托裏之藥

推車散

六十

治多骨

推車蟲

即滾矢蛻螂  
炙末

乾薑

細末

右蟲末一錢配薑末五分和勻研細吹孔內內有骨次  
日不痛自出吹過週時無骨出則知內無多骨也

五美散

六十

治膿瘰惡瘡

皮硝

一兩炒末

東丹

一兩炒研

硫黃

三錢

雄精

三錢

輕粉

一錢

右研細末乾糝油調俱可或用洞天嫩膏調敷外以絲  
紙掩擗不可揭動五日後揭下再敷一二次全愈如溼  
痒極則先用金銀散敷上再用此藥加敷

螵蛸散

六十

治溼熱破爛毒水淋漓等證或下部腎囊足股腫痛下疳諸瘡

海螵蛸

不必

人中白

等分煨

小斗登台全書

卷五 通用方

三

右爲細末先以湯熏洗患處後以此藥撒之如乾者以麻油或熬豬油或蜜水調敷如腫而痛者加冰片少許如溼水甚者臨時對加五美散用

二味拔毒散

六十九 治風溼諸瘡紅腫痒痛癩癰等疾甚效

明雄黃 白礬 等分

右爲末用茶清調化鵝翎蘸掃患處痒痛即止紅腫即

消

金銀散

七十 治惡瘡痒徹骨

硫黃 一兩 銀硃 五錢

右將硫黃打碎入銅勺鎔化再加銀硃攪和離火傾油

紙上冷定取起研末醋調敷止痒神效如破爛爛孔痒極者白蜜調敷

金霜散 七十

治不痒惡瘡楊梅瘰疽火赤天疱等證

杏仁 三錢 凌砒 雄黃 一錢五分 輕粉 一錢

右研細末雄豬膽汁調敷

五寶散 七十

治癰疽潰爛餘腐未盡肌肉不生用此定痛化腐生肌

人指甲 象皮 薄切 長髮 各五錢 麝香 一錢

冰片 二分

右用紅棗去核逐枚包甲以長髮捆紮同象皮在瓦上炭火炙溶成團存性研粉加麝冰研勻貯用

山蓮散

七十  
治一切潰爛不堪與內腑  
止隔一膜者敷之立效

大活鱒魚

一尾

山羊矢

右將魚破腹去雜以山羊矢打碎塞貫魚腹放瓦上慢

火炙乾存性為末加麝香一錢研和貯用

象皮散

七十

治癰潰久爛孔如掌之大者以此慘之至  
孔收小後再用六和散敷此藥並治刀傷

跌損  
出血

豬前蹠扇骨

十兩

煨炭研

象皮

一兩

炙存性研

右共研極細聽用

六和散

七十

治一切癰疽等毒痛止腐  
盡破爛不收者慘上即愈

海螵蛸

龍齒

水飛

象皮

炙存性  
研末

爪兒血竭

乳香

去油

輕粉

等分  
研末

右研極細末或乾糝或熬雞蠶油調拂

洞天膏

七十

治陽癰瘡癩

香白芷

四兩

木鼈子肉

草麻子仁

獨活

各三兩

大黃

三兩

乳香

沒藥

各二兩

老葱

三斤洗去泥  
風乾後入

右用麻油三斤浸藥春秋五日夏三日冬七日用桑火

熬至藥枯用絹將藥渣漉去將油復入鍋內熬至滴水

不散遂離火少頃每油一斤入炒透黃丹

研極細

六兩旋

攪旋下下完攪勻再慢火熬至滴水成珠以兩手取珠

為丸不黏指為度離火置陰處俟退火氣以油紙攤用



如作嫩膏則每斤油內入黃丹三兩不用六兩熬黑取

用

陽和解凝膏

七十

治一切陰疽潰爛癰瘰癧凍瘡瘡溼痰流注等證並可貼背心截瘧

新鮮大力草

即牛蒡子草連根葉三斤

白鳳仙花

四兩

右用香油十斤將二味熬枯去渣次日再入後藥

川芎

四兩

川附子

桂枝

大黃

當歸

草烏

川烏

地龍

無則用穿山甲

殭蠶

赤芍

白芷

白藜

白芨

各二兩

續斷

防風

荆芥

五靈脂

木香

香圓

陳皮

各一兩

右熬枯住火片時油將冷用夏布濾淨渣將油稱準斤兩用細絹將油入鍋內要清淨爲度用火熬滾每油一斤加飛過黃丹六兩五錢徐徐投入攪和文火慢熬至滴水成珠不黏指爲度卽以溼粗紙罨火將油鍋移冷竈上下後藥末

製乳香末

製沒藥末

各二兩

麝香末

一兩

蘇合油

四兩

右將三味研極細同藥合油入膏鎔化攪勻半月後攤貼

備用要方

紫金錠

一名神仙太乙丹 一名玉樞丹 一名萬病解毒丹

解除一切中毒積毒蟲毒蠱毒砒石菌蕈死牛馬河豚等毒及時行疫癘山嵐瘴氣喉閉喉風顛邪鬼氣狂亂迷死牙關緊急小兒急驚等證凡行兵興役之處尤不可無

五倍子

搥碎洗淨 焙末三兩

山茨菇

去皮淨末 二兩

千金子

即續隨子仁 去油取霜一兩

紅牙大戟

去蘆焙乾淨 末一兩五錢

麝香

三錢 另研

右和勻用糯米煮濃飲為度分作四十錠每服半錠用井花水或薄荷湯磨服利一二次用粥止之若治癰瘍

惡毒火湯蛇蟲犬獸所傷以東流水磨服竝敷患處如  
治顛邪鬼氣鬼胎攣急疼痛以暖酒磨服 凡修合時  
日須用端午七夕重陽或天醫天德月德日於淨室內  
焚香修製凡奇怪之病屢用如神醫家大家均宜預配  
應用

蠟礬丸

一名黃礬丸

治金石發毒一切癰疽托裏止痛  
護臟腑神妙不問老少皆可服之

黃蠟

一兩黃色者佳  
開離火入礬末

白礬

一兩明亮  
淨者爲末

右和勻多人眾手急作成丸桐子大每服二三十九漸  
加至四五十九熟水或鹽湯送下日進二三服服至三

四兩之上愈見功矣此方不惟止痛生肌亦能護膜止瀉消毒化膿及內癰排膿托毒

千金化毒丸

治諸惡毒

明白礬

右爲丸每服三錢以葱頭七莖煎湯送下則痛腫俱退再用仙方活命飲二劑去其餘毒此方原用礬末以葱頭湯調服因難服故易爲丸一方士治瘡疽不問腫潰先用此藥二三服後用消毒之藥其效異常治芻蕘之人用此卽退不用托裏藥亦愈若金石毒藥發疽者尤效蓋礬能解金石之毒也一方用礬末五錢硃砂五

分熱酒下亦效此藥托裏固內止瀉解毒排膿不動臟腑不傷氣血其藥易得其功甚大偏僻之處不可不知此方或蟲蛇齧傷熔化熱滴患處痛止毒消或熱酒服數錢皆效

呂祖一枝梅

凡男婦大人小兒新久諸病生死難定之間用此艾寶大一餅貼印堂之中點官香一枝香盡去藥一時後視貼藥處有紅斑暈色腫起飛散謂之紅霞捧日病雖危篤其入不死如貼藥處一時後不腫不紅皮肉照舊不變謂之白雲漫野病雖輕淺終歸冥路小兒急慢驚風

一切老幼痢疾俱可貼之凡病用之皆可預知其生死也

雄黃 五錢 硃砂 三分 五靈脂 三錢 巴豆仁 五錢

葶麻仁 五分 銀硃 一錢五分 麝 三分

右研細末於端午日淨室中午時共研加油燕脂為膏  
瓷合收貯勿經婦人之手臨用豆大一圓捏餅貼印堂  
中其功立見用過餅送入河中

瓊酥散

此麻藥也治一切腫毒等瘡服之開刀不痛

蟾酥 一錢 半夏 六分 鬧羊花 六分 胡椒 一錢八分

川椒 一錢八分 川烏 一錢八分 藜蘆 一錢

右共爲細末每服半分黃酒調服如欲大開加白酒藥  
一丸

整骨麻藥

此藥開取箭頭服之不痛

麻黃

胡茄子

薑黃

川烏

草烏

各等分

鬧羊花

倍用

右共爲末每服五分茶酒任下欲解用甘草湯服之卽

甦

敷麻藥

此藥敷於患上則麻木任割不痛

川烏尖

五錢

草烏尖

五錢

胡椒

一兩

蟾酥

四錢

生南星

五錢

生半夏

五錢



右爲末用燒酒調敷 一方加華芡五錢 一方加細

辛一兩

沖和湯

治瘡屬半陰半陽似紅非紅似腫非腫此因元氣虛弱宜補托消之

人蔘

陳皮

各二錢

黃耆

白朮

當歸

白芷

各錢半

茯苓

川芎

皂鍼

製乳香

製沒藥

金銀花

甘草節

各一錢

右酒水各半煎服

完瘡散

治溼爛諸瘡肉平不斂及諸瘡毒內肉既平而口有不收者用此最妙

滑石

一兩飛

赤石脂

五錢飛

粉甘草

三錢

右爲末乾糝或用麻油調敷或加枯礬一錢痒者極宜

附中毒類

飲食中毒 中酒毒 中麪毒 中瓜毒

中果毒 中桐油毒 中牛馬肉毒 中肉脯毒

中狗肉毒 中魚毒 中河豚毒 中蟹毒

中鼈毒 中雞毒 中雉毒 中鴨毒

中鳥雀毒 中斑鳩毒 中諸菜毒 中菌毒

中鉤吻毒 中砒毒 中巴豆毒 中附子毒

中烏頭草烏毒 中硫黃毒 中硃砂毒

中雄黃毒 中鍾乳石毒 中藤黃毒 中藜蘆毒

中木鼈毒 中蒼耳子毒 中阜蓉毒 中斷腸草毒

一名水莽藤 又名莽草

中半夏毒

中狼毒毒

中花椒毒

中鳩毒

中斑蝥毒

中蜈蚣毒

中地龍毒

中青娘子

亭長地 膽蟲毒

中狼煙毒

中輕粉毒

中鉛粉毒

中銀鋤毒

中煤炭毒

中煙毒

中杏仁毒

中烏梅毒

中諸藥相反毒

中鹽鹵毒

中蒙汗藥及悶香毒

中丹石毒

中挑生毒

卽蠱毒

毒

飲食中毒

凡食物經蛇蟲百腳遊過皆有毒人若中之覺欬熱脹滿者急用苦蕒三兩苦酒半升煮半沸陸續飲之吐食出卽瘥或甘草煎湯服吐十餘次或生韭汁服數升俱效

中酒毒

飲酒中毒者經日不醒是也用黑豆一升煮汁溫服一盞不過三盞卽愈 中燒酒毒者用鍋蓋上氣汗水半盞灌下卽愈或用葛粉冷水調灌之亦醒如燒酒醉死急以新汲水浸其髮外以舊布浸溼貼其胸膈仍時時灌之醒乃已

中麪毒

食麪後胃脘脹悶煩渴宜用蘿蔔生啖之或搗汁服之蓋  
麥麪大熱蘿蔔能解其性或用大蒜嚼食之亦善解麪毒

中瓜毒

食諸瓜及黃瓜中毒每多腹痛而泄以糯米煮粥飲之

中果毒

凡果品不時有毒中之以豬骨燒灰冷水下一二匙

中桐油毒

桐油令人嘔洩飲熱酒卽解若清油則柿餅湯解之

中牛馬肉毒

急用甘草末四兩無灰酒調服儘量飲須臾當吐瀉若湯  
不可飲水飲水必死又方用淡豆豉搗汁和人乳服之即  
解

### 中肉脯毒

凡肉經密器蓋過夜者爲鬱肉屋漏沾著者爲漏脯皆有  
毒誤食者殺人宜飲韭汁解之

### 中狗肉毒

凡食狗肉脹滿不消用蘆柴根鮮者搗汁飲之乾者煮汁  
飲之

### 中魚毒

夕禾記... 卷五  
毒  
凡食魚中毒煩亂者用橘皮煎濃汁服之即解或搗冬瓜汁飲之鱈毒食蟹即解

### 中河豚毒

毒之所在腹之子目之睛脊之血故浸血不淨有紫赤斑眼及誤破腸子或修治不如法及染屋塵者皆脹殺人中之用橄欖汁或蘆根汁及糞汁並解甘蔗汁亦解

### 中蟹毒

凡食蟹中毒用紫蘇葉煎汁飲之或藕汁或搗蒜汁俱可解

### 中鼈毒



凡食饗中毒用豆豉一合新汲水一碗煎濃汁頓服

中雞毒

好醋飲之卽愈未愈再服雞子亦然

中雉毒

犀角末新汲水調服

中鴨毒

糯米泔水熱服一二盞

中鳥雀毒

豆汁飲之又生扁豆末冷水服之

中斑鳩毒

小科登台全書卷五 附中毒類

葛粉二合薑湯調服或用生薑一味搗取汁將渣焙乾為末即以薑汁糊丸日服

案鳩常食烏頭半夏苗故中其毒以生薑解之

中諸菜毒

食後腹脹者是也以醋解之

中菌毒

忍冬藤葉生啖之即愈或煎濃汁飲之一方用地漿水飲之一方用白礬少許溫湯服

中鉤吻毒

鉤吻生池旁與芹菜相似惟根有毛以此別之誤食則殺人用薺苳即話煮湯頓服一方服桂心湯效

## 中砒毒

凡中砒毒者其人煩躁如狂心腹絞痛頭眩欲吐不吐面色青黑四肢逆冷六脈洪數飲食中得者爲易愈空心酒醋服者難救治宜掘地成坑以水灌注攪成渾水謂之地漿頓服之如吐出再服所謂洗淨腹中毒全憑地下漿是也或用明礬四五錢研末水化冷服亦解其毒如已服久急以黑鉛一塊不拘多少用涼水於石上磨汁旋磨旋灌如吐瀉交作則解後以甘草煎濃汁灌之醒後仍顛倒不語每日用生綠豆研粉冷水和飲之

## 中巴豆毒

其證口乾兩臉赤五心煩熱下利不止用綠豆煮湯冷服  
之或甘草黃連煎汁冷飲之利止而安

中附子毒

凡服附子中毒頭腫面裂血流或見內熱諸證急用綠豆  
黑豆搗汁飲之或濃煎一二豆湯常飲之一方用田螺搗碎  
和水飲之

中烏頭草烏毒

甘草煎濃湯服之或米醋調沙糖服之俱可解

中硫黃毒

其證背膈疼痛作悶目暗漠漠用黑錫煎湯飲之或冷服

豬血或烏梅肉一兩焙沙糖五錢漿一大盞煎七分呷之  
中礪砂毒

生綠豆磨粉水和飲一二椀

中雄黃毒

漢防已煎湯飲之 有用雄黃搽瘡或熏陰瘡而瘡受其  
毒者防已煎湯洗數次即愈

中鍾乳石毒

其證口渴下利不止食豬肉則愈

中藤黃毒

蘆粟葉煎湯人倒練西瓜汁一椀服之

中藜蘆毒

雄黃爲末用水調服一錢或者煮葱汁飲之俱可解

中木鼈毒

生薑自然汁和熱酒飲之

中蒼耳子毒

蒼耳子不可同粳米飯食食則猝發心痛急燒倉米灰和蜜漿服如遲卽死

中阜礬毒

麪糊一鉢急服愈

中斷腸草毒

一名水莽藤  
又名莽草

黑豆一椀甘草五錢共煎濃汁服下登時卽解又冬青樹葉冷水搗汁服下卽解生羊血亦解

中半夏毒

其證口不能言倒地將死者速用薑汁灌之須臾甦

中狼毒毒

杏仁搗爛和水服之

中花椒毒

凡服川椒氣閉欲死者新汲水飲之卽解地漿水更妙

中鳩毒

葛粉二兩水二盞調服口噤者灌之或綠豆粉三合水調

外... 灌如已死但心口溫者可急灌之

中斑蝥毒

黑豆汁綠豆汁靛汁黃連濃茶葱汁俱可解

中蜈蚣毒

雄黃雞冠血浸舌吐嚥之

中地龍毒

鹽水飲之可解

中青娘子亭長地膽蟲毒

平胃散加酒炒黃連五分黑豆三十粒兩服可解或以豬脂和豆汁飲之



中狼煙毒

醋少許飲之

中輕粉毒

藥中有輕粉中其毒骨痛筋攣用出山鉛五斤打壺一把盛燒酒十五斤納土茯苓半斤乳香三錢封固湯煮一日夜埋土中出火毒每早晚任飲數杯後用瓦盆接小便有粉出爲驗服至筋骨不疼乃止 服輕粉口破者以三年陳醬化水頻頻漱之

中鉛粉毒

沙糖調水服或急搗蘿蔔汁飲之

中銀鋤毒

飲黃泥水二茶杯卽愈或用飴糖四兩做成小丸以真麻油吞下卽愈又方用烏梅煎濃汁灌之

中煤炭毒

一時暈倒者急宜風涼處以清水灌之

中煙毒

沙糖調水飲之

中杏仁毒

籃子研水服卽解

中烏梅毒

生白扁豆研末冷水服之

中諸藥相反毒

蠶退紙

即出過蠶之故紙也

燒灰細研一錢冷水服下或葶藶取汁

調靛青服

中鹽滷毒

凡婦女有服鹽滷垂危者急取活鴨或活雞斬去頭將頭塞口中以熱血灌之可解如服滷多者必用數隻方足盡收其毒更宜熱豆腐漿灌之

中蒙汗藥及悶香毒

飲冷水即安每臨臥時食大棗一二枚或含口中便不致

迷

中丹石毒

其證頭眩耳鳴發熱困篤恐懼不安用地漿服之爲上或  
蚌肉食之良或用黑鉛一斤溶化投酒一升如此十餘次  
待酒至半升頓服卽解

中挑生毒

卽蠱毒

此淫術也嶺南閩廣有之而福之古田長溪爲最乃於飲  
食中行厭勝之法魚肉能反生於人腹中人已死則陰役  
其家初得覺胸腹痛次日刺人十日則生腹中矣故凡入  
有毒之鄉飲食當先以銀器試之有毒卽黑或用犀角攪

試有毒則起白沫又驗中蠱之法吐津在水中沈則是浮則非又嚼生黑豆不腥嚼明礬而甘其人頭面上有光他人手近之如火熾者此中蠱也胸膈痛毒在上則服白礬升麻以吐之膈下痛毒在下則以米湯調鬱金末二三錢服以瀉之或將三味合服不吐卽下

宋李巽巖侍郎爲雷州推官鞠得此方活

人無算載  
范石湖集

一蝦蟆蠱蚪蚪蠱其證心腹脹疼口乾思水不能飲食悶喘用車轄脂半斤熱酒漸漸服之其蠱自出

一蛇蠱飲食中得之咽中如有物咽不下吐不出心下熱悶用馬兜鈴一兩煎服卽吐出

外科證治全書卷五終  
一金蠶蠱用石榴根皮煎汁飲

一中蠱吐血或下血如鵝肝或心腹急疼如有物蔽不即治者死用敗鼓皮燒灰酒服二錢或小麥麪三合分爲三服以冷水調下半日服盡下蠱即愈

附五種蠱毒方

雄黃

麝香等分

右共末用生羊肺如指大以刀切開納藥末兩匙在內吞下

外科證治全書卷五終

附刻全生集醫案

王洪緒

諺云千學不如一見是以從師習醫必經師率視證見廣識多遇證始無疑惑余以四十餘年之臨證摘其一二奇險危篤者錄之於左以備詳察不必拘拘於師率視證云

喉證醫案

一壯年新婚百日妻往母家滿月方回時值酷暑因交接後貪涼五鼓時喉痛氣逆寒熱交作余問之則曰三日前喉閒畧有微痛今早五鼓腫痛更甚視其小舌腫如拇指知係心腎虛火交接後經風風火兩閉之恙若用發表虛上加虛若投寒劑風火被罨即用前胡蘇子連翹元瀉赤

芍浙貝甘桔八味煎服立愈

無錫村婦年三旬忽喉痛難食彼地一醫以射干赤芍翹  
芩花粉牛蒡等煎服服卽痰升滿口響若鼙聲痰不出齒  
余問始知驟起況服涼藥增險此陰寒無疑但痰塞一口  
萬難進藥卽取鵝毛蘸桐油釐許入喉一卷痰隨毛出吐  
有升許以肉桂炮薑生甘草各五分入碗內以滾水衝浸  
將碗仍燉湯中用匙取藥連呷三四口卽愈

南濠一匠半夜請治喉證問之不能回答有人云昨喫夜  
飯睡著後忽喉痛而醒余以炙附如細糲一粒放其上  
嚥津數口全愈



## 髮疽醫案

興邑路姓七歲童頂門寸許竝患三疽潰久不斂孔如棊子大淺而無膿乾而色灰人倦無神因服涼劑過多飲食不進余曰色似香灰乃氣血兩喪無膿乾枯精神已絕兼不能食難以醫治次日而夭

## 瘰癧醫案

楓鎮閩姓年十七頸患瘰癧爛成一片延爛耳腋及腰如手掌大者數處瘦弱成怯初以洞天救苦丹與服毒水大流十日後以陽和湯醒消丸每日早晚各服一次十日項能舒轉飲食日增外貼陽和膏內服大棗丸竝用荆芥湯

洗以山蓮散敷九十日收功因未服子龍小金二丸其毒根未除後腋生惡核仍以子龍丸消之杜患

王姓媳頸內瘰癧數箇兩腋惡核三箇又大骸患一毒不作疼癢百餘日後日漸發大其形如斗案之如石皮現青筋常作抽痛經治數人皆稱曰癰余曰癰輒疽鞭此石疽也初起時可消日久發大上現筋紋雖案之如石然其根下已成膿矣如偶作一抽之痛乃是有膿之證也上現青筋者其內已作黃漿可治如上現小塊高低如石巖者不治三百日後主發大痛不潰而死如現紅筋者其內已通血海不治儻生斑點卽自潰之證潰卽放血三日內斃今

所患現青筋能醫至輒爲半功潰後膿變濃厚可冀收功也外以活蔞蔞搗塗內服陽和湯十日則一抽之痛十三劑裏外作癢十六劑頂輒十八劑通患輒其頸項之癢塊兩腋之惡核盡行消散一無形蹤止膿石疽而起內膿袋下令服瀉一錢因在筋絡之處先用銀鍼刺穿後以刀闊其口以紙釘塞入孔內次日兩次流水斗許大劑滋補托裏刪去人蔞倍增者連進十劑相安已極適有伊戚亦行外科道者令其耆草換炙服不三日四圍發腫內作疼痛復延余治余令其照前方服又服二十餘劑外以陽和膏隨其根盤貼滿獨畱患孔加以布捆綁人問因何用

膏貼又加細綁答曰凡屬陰疽外皮活內膜生故開刀傷膜膜爛則死所出之膿在皮裏膜外僅似空銜又不能以生肌藥放入故內服溫補滋陰活血之劑外貼活血溫暖膏藥加之以搥使其皮膜相連易於膿盡且又易於連接生肌果綁後數日內膿甚厚加溲服兩月收功

### 痰核醫案

婦項痰核三處年久生管延治以拔管藥插入日易半月愈兩惟有一管淺如一竈不意伊夫遠歸兩日管深如舊余曰此刻治定無功效容日商治伊母問余余曰俟令婿出外半月亦可收功數日後接女歸延治而愈又壯年臂

有二管問伊可有暗疾曰有夢遺以六味丸刪去澤瀉增  
綫膠龍骨芡實蓮鬚爲丸鹿含草煎湯晨夕各送三錢服  
半料而夢遺愈愈後卽以拔管藥治之仍服前丸服完二  
管皆痊

### 惡核醫案

洞庭秦卜年項腋惡核十二處服連翹昆布等藥病重又  
被刺破爛經三載始來就醫以陽和湯犀黃丸輪服半月  
十中愈八喜甚帶藥而回路見涼粉買食至家又食冷水  
油麪次日二便皆閉第五日死此病者自不惜命故記以  
爲病者之戒

南濠客葉南高之弟耳下竝患惡核一被醫穿生管後大  
如杯以陽和湯小金丹輪服未潰者全消彼問管可易愈  
否余曰消管甚易管消卽斂儻將斂一經走洩管卽復生  
愈期難訂其弟真誠果卽斂

### 乳巖醫案

婦乳患一白疽寒熱痛甚余以陽和丸同一陳湯煎服得  
睡痛息連進三服全愈又婦患者相若伊婦弟亦習外科  
以夏枯花粉連翹橘葉等藥連服五劑號痛不絕延余治  
因向白色今變微紅難以全消卽書肉桂炮薑麻黃加二  
陳湯令伊煎服今晚痛止能睡明日皺皮縮小服下果然

連進數劑患頂不痛而潰貼陽和解凝膏收功

一婦兩乳皆患乳巖兩載如桂圓大從未經醫因子死悲  
哭發威形大如杯以五通丸犀黃丸每日早晚輪服九日  
全消又男子患乳巖先用鯽魚膏貼上兩日發大如拳其  
色赤紅始來就醫合其揭下與服陽和湯四劑儻色轉白  
可拔色若仍紅無救矣四日患色仍紅哀懇求治以犀黃  
丸陽和湯輪服服至十六日四餘皆消獨患頂潰用蟾拔  
毒三日半月收功

發背醫案

山塘姚姓媳年二十九小產月餘左肩手搭處先發一毒

周有尺五患後半月背脊添出一毒自上至下計長一尺三寸上闊下尖皆白陷十日後始請余治其勢甚篤連服陽和湯三劑人能坐起五劑自能大小便十二劑其續發者全消先發之搭手餘地皆消止膿患頂有膿者如棊子大膿足不痛而穿四日收功後言背上如負一板舒轉不快以小金丹十丸每日二進漸漸不板神色復元

木瀆鎮談姓婦背患如椀初起色白近已轉紅痛甚時值三伏余以陽和湯書畢旁人云此暑天緣何用麻黃發表桂薑之熱劑余曰此陰疽也彼云患色轉紅陰已變陽余因其說立令煎服服後不一時痛息接服四劑患平七分



有膿之三分不痛而潰五日收功

腰疽醫案

閩門龔姓腰患一疽根盤圍闊二尺餘前連腹後接背不紅不腫不痛不輒案之如木初延余治以肉桂炮薑書於方首別後另延蘇城內外三四名家眾視余方皆曰酷暑安可用此熱劑以余爲非議用攻托清涼連治五日病者神昏無味復延余治患仍不痛色如隔宿豬肝言語不清飲食不進余曰能過今晚再商是夜卽斃然其至死不痛不久伊戚亦患此證延余治以陽和湯服下次日覺鬆又服疽消小半纔以犀黃丸與陽和湯逐日早晚輪服第五

外科醫案卷之三十一  
日全愈後有背患相若者照治而愈

### 流注醫案

程姓母年七十膝下患一陰毒流注潰經數月患下及旁  
又起鞭腫二塊與舊患相連延一醫以新發之毒認爲舊  
患旁腫不識流注竟以托毒之劑與服服二劑致新發者  
被托發痛始延余治余以陽和湯與服三劑新發之二毒  
皆消接服小金丹十九後進滋陰溫補以杏仁散數半月  
膿厚令服保元湯加肉桂十餘劑愈

宜興徐三梧之子纔歲半太陽一毒背上心膈對處二毒  
頸後口對處一毒腰腹二毒兩腋五毒共患十一毒皆皮

色無異其大骸二毒已經伊處醫者開刀聞余至請治以  
小金丹今日服二次第五日消其九毒消後又以小金丹  
日服一次因孩小令伊添一乳母十日後二孔皆紅潤以  
保元湯耆草皆生加肉桂三分煎杯許另水煎薑六分和  
服半月後以耆草易炙服愈一月收功

### 橫痃及楊梅瘡醫案

常熟趙太元長君患橫痃被醫家開刀延余往治余問其  
開刀幾日彼云已有半月余曰此患破則難治還有九月  
之壽卽辭別別後三百日伊戚在蘇來云已死月餘

福建客滿身廣豆又患橫痃余想橫痃乃陰虛之證藥利

外和書治全書卷之  
溫補廣豆係火毒之證藥利涼解二證相背既利於毒定  
禍於疽必使二證皆宜之藥除犀黃丸外無他法令其每  
日空心時酒送三錢十服二證全愈後一人毒重倍服而  
愈

### 起肛醫案

宜興馮悠也右足背連小骹轉灣處初起不過湯毒而成  
爛骹三十餘年四起鞭肛小骹足腫如斗爛孔可容大拳  
有時出血所流臭漿滿室難聞自以布包如甄一塊以填  
孔內否則空痛時年七十有四雍正六年延余治以老蟾  
破腹蟾身刺數孔以肚雜代包填人孔內蟾身覆蓋孔外

每日煎葱椒湯俟溫早晚各洗一次以蟾易貼內服醒消丸亦早晚二服三日後取地丁大力鮮草搗爛填孔外蓋烏金膏仍以醒消日服其肛口外四起鞭塊內有皮中滲出清水者以嫩膏加五美散敷內有發癢者以白花膏貼內有塊鞭如石者以生薺薩搗爛塗因孔內常有血出先以澆三七末撒內次用地丁牛蒡葉根搗填如此二十餘日腫消癢息其鞭塊鞭肛皆平皮色退黑內肉鮮紅患口收小平淺仍以地丁等草填口以五寶散撒上仍貼烏金膏因老翁精神不衰飲食不減始終不補收功

痘毒醫案

洞庭錢永泰之子患痘毒醫用清火解毒之劑以一毒醫增六七再醫毒生二十醫至第二年孔皆有管日流臭漿右足縮不能行坐臥三載始來就治以陽和湯小金丹犀黃丸等藥與服內用化管藥半月愈半一月管化有多骨者亦出彼欲領子回家纔以生肌散竝調和氣血之丸與回詎伊任子恣意飲食不洗卽止不敷卽停日以酸橙石榴水果消閒嚴冬復臭難聞余曰臭則爛香生肌寒疽未斂日食酸滯領回三月患管復舊乃父母害之也

### 囊脫醫案

宜興一舟子腎囊形大如斗被走方人穿之不數日爛見

腎子如雞卵大旁有一筋六七寸長形若雞腸雙環隨腎子落出臭氣難聞令以紫蘇煎湯洗淨其筋爛下問其腎子莖物小肚可痛否彼曰皆不痛余曰此三處作痛則難治今不痛者可治日以紫蘇湯洗洗後以蘇爲末撒上用青荷葉包之內服黃連歸尾黃芩甘草木通等藥十劑五日後腎子收上爛孔收小此非患毒乃是損傷口既收小肌色紅活內服地黃湯外敷生肌散而愈

### 陰腫醫案

一鄰友余家飲酒二鼓而別次早伊僕云莖物腫脹痛難小便遣來索藥度其醉歸行房妻以前用未洗之絹抹之

此絹必經毒蟲齧過卽取仙人對坐草以解蛇毒割人藤以解蜈蚣毒二草擣爛取汁調雄黃末塗上立刻痛止腫消下午全愈

### 湯傷醫案

一婦小骸經湯被醫者用冰片研入雪水敷之不一刻骸腫如斗痛極難忍請余治婦曰只求止痛死亦甘心余曰幸在小骸下身鞭地儻湯腰腹用此一罨火毒入腹難以挽回以地榆研細調油拂上半刻痛止令伊自拂一二次全愈一使女炭火湯足背爛一孔以伏龍散乳調敷不三日而愈又鄰家一孩鑪上滾湯澆腹因痛自手抓破腹皮



三錢

大五毒丹

汞一兩 硝石 白礬各三兩 硃砂一兩 雄黃八錢五分

小五毒丹

汞一兩 硝石一兩六錢 白礬一兩 硃砂 雄黃各五錢

大五炆丹

汞一兩 硝石一兩二錢五分 白礬 阜礬 青鹽各一兩二錢

小五炆丹

汞 硝石 白礬 阜礬 青鹽各一兩

拔萃丹

小斗登白

三

汞 硝石 白礬 鉛 青鹽 各一兩

七星丹

汞 硝石 白礬 皂礬 青鹽 礪砂 各一兩

硃砂 二錢

金蟾丹

汞 三錢 雄黃 一兩 火酒 二斤 煮 大蟾 一隻 破腹去腸紙包 鐵絲

紫 緊 硝石 白礬 各一兩 研末覆蟾

降龍丹 提徽瘡邪毒化為濁涎瘀血從齶滲出

汞 硝石 白礬 青鹽 各一兩

每丹一錢配生綠豆粉三錢棗肉三錢研和黏丸

每服一錢松蘿茶下服至三日以身齟腫出臭涎  
瘀血爲度如不可支以貫眾黃連各一兩煎汁一  
日服盡則解

六白丹 用同降龍

汞 硃砂各八錢 硝石 皂礬 青鹽 食鹽各七錢

伏龍丹 微瘡點之即滅

汞一兩 硝石 白礬 皂礬 青鹽各二兩 雄黃

硃砂各三錢

每丹一兩配白酒藥三兩研合清水和丸如豌豆  
大用時清水研化攪澄去渣蘸點瘡上

五虎丹 用同伏龍

汞六錢 硝石一兩二錢 白礬一兩八錢 阜礬 青鹽各一兩二錢

五黃丹

汞一兩 硝石 白礬 青鹽各一兩二錢半 阜礬一兩

升龍丹 點徽毒爛臭

汞一兩 硃砂 硫黃 雄黃各三錢

四綠丹 用同升龍

汞 阜礬 硃砂 雄黃各三錢

大降丹 蝕腐

汞一兩 硝石三兩 白礬 阜礬 青鹽各二兩 膽礬

硃砂 雄黃各三錢 信五分

用法同一炆丹減分兩之半

小降丹

汞一兩 硝石 白礬 阜礬 青鹽各九錢 礪砂

硃砂 雄黃各三錢 信三分

白降丹

汞一兩 硝石 白礬 阜礬 青鹽各二兩五錢 礪砂

硃砂 雄黃各三錢

紫降丹

汞一兩 硝石二兩 白礬三兩 阜礬二兩 青鹽一兩

鉛五錢 雄黃 礪砂各三錢 信三分

升法 諸藥異研合和入小厚鐵鐺內中捺一窩安汞掩以餘藥取新椀覆鐺令密鐵錠壓頂稻柴灰封口築令稍堅置三隅竈文火煨鍊以少許新棉著椀頂候棉色微黃退火冷定揭開剗取蓋底飛上之丹

降法 諸藥研合用銷銀白泥罐置赤炭上徐徐入藥煨令凝結捺窩安汞再入餘藥烘結成胎倒覆椀內稻柴灰封口以瓦盆盛水置蓋水中外作三隅竈熾炭三斤布密文煨至灰盡開罐剗取蓋底飛下之丹

亦有不用水者名曰單降

凡丹竈背風則火文迎風則火武文則汞起徐緩而丹足武則汞飛不定而丹耗安鑪宜先熾赤炭於底勻鋪黑炭於面鑪傍密塞令無罅隙若一隅有隙透火則一隅色黑無藥炭先赤者亦然必至一炷綫香時綿黃火準早黃則病在火武而汞走遲黃則病在火缺而汞伏均令丹少

凡煅鍊時封口灰上烟起有聲是硝礬性發待性定胎結自止守鑪者加灰輕築不可妄動俗傳混元合既濟鼎百眼鑪九轉還元顛倒升降七日夜金粟火三日夜文武火皆方士欺人之術造作艱難消耗貲本每鍊藥不成飾咎根基禁忌殊可恨也

許氏之治多主全生集故亦不用升降藥以爲霸道  
其實丹方自古相傳確有師法庸醫誤投致敗非藥  
之過近世曹畸菴神明其用集方至爲切要採附於  
此有平安餅消管錠不能奏功者將不能舍之他求  
是亦生心化裁之法足濟此書之窮不必執矛盾之  
說以相難也丁卯長至日易石生倥侗氏重校竝識